



Gratis Distribution

# SIRD & PR MIZORAM NEWSLETTER

Vol. XV Issue No. 2 February, 2024 : Monthly SIRD & PR Newsletter, Mizoram : Aizawl

## LAWRKHAWM

◀ Ni 7.2.2024 chawnu khan LAD Minister Pu C. Lalsawivunga chuan a Department enkawl LAD Directorate office a tlawh.

Minister hian hrilh lawk lovin LAD Directorate hi a tlawh a. Room hrang hrangte tlawhin, officer leh staff-te an hna chanpual te zawtin a kawm a. Department kaltlanga hmalakna turte a sawi pui bawk a ni.

◀ Ni 22.1.2024 khan Secretary, LAD Room-ah **“Screening Committee of existing Faculty & Staff under Revamped RGSA”** an thukhawm a, an thutlukna bawhzui hian ni 9.2.2024 khan Pu Lalchawimawia, Jt. Director, LAD, State Nodal Officer, RGSA hovin SIRD&PR Faculty-ten SIRD&PR Video Conference Hall-ah hmalak dan tur an sawiho bawk.



**BAWLHHLAWH A BAWMAH CHAUH AW.**

## RD Minister hovin RD Department Review Meeting neih a ni

MLA Conference Hall, Annexe Building, Aizawl-ah ni 9.2.2024 khan Prof. Lalnilawma, Rural Development Minister hovin RD Department Officer rualte'n Review Meeting an nei.



Prof. Lalnilawma, RD Minister chuan kan ram hmasawna tura Department pawimawh ber kan nih angin kan bial, thingtlanga kan mipuite khawsakin hma a sawn em? danglamna a thlen em? tihah kan ngaihtuahna kan hman fo a pawimawh a ni tiin, kan department leh scheme-te chiang tur leh schemes hnuai a Fund te chu dik tak leh anihna ang taka hman g thin turin a chah.

India ram pum huap Rural population chu 60% a nih lain kan ram chu 48% vel Rural Area awm kan ni a, chutichung chuan kan ram thingtlang leh khawpui inkar chu a la inthlau hle a, thingtlang hmasawna tur hian kan pawimawh leh zual a ni, a ti. Thingtlanga kan mipuite quality of life chu chawikan a nih

theuh theih nan rilru thar leh tha thar nen theihtawp chhuah a, khawpui a hmasawna leh thilthar awmte chu thingtlangah pawh a awm ve theih nan tan kan lak a pawimawh hle bawk a ni tiin, Retheihna leh tam umbo tura UN Sustainable Development goals-in min phut anga a tihlawhtling theitu pawimawhte zinga mi kan nih angin theihtawp chhuah zel turin kalkhawmte chu a chah a. Kan hmalakna chu thil tereuh te te aiin thil lian tham leh hriat tham deuh khawtlang tan pawha rohlu ni thei se la, kan hna-thawh quality compromise lova, department dangte nena thawhhona convergence dap uar tur leh mipuite tana thawk kan nih ang ngeiin Officer biak nuam leh hawihhawm tak ni turin kalkhawmte chu a chah bawk a ni. (Phek 2-na-ah zawmna)

**Editor-in-Chief:** Ethel Rothangpuii, Director  
**Editor:** Lalchandama Lailung, Core Faculty (IT)  
**Jt. Editor:** Malsawmdawngliana, IECM  
**Cir. Manager:** Zothantluanga, IEC Facilitator

**Editorial:** 

### LOCAL GOVERNANCE

Local Governance tih hi “Tualchhung Inrelbawlina” tihna a ni mai a. Chumi erawh chuan ken tel pawimawh dang a nei nual ang. Chu ’ng zingah chuan mitinte ’n khawtlang rorelnaa chanvo leh tihve an neihna hi a ni ngei ang.

Kan khawtlang hmasawna atan hian mi pakhat emaw mi tlemte ngaihdan leh duhdan emaw chauh hi a famkim tawk lo thin a, chuvangin kiltina miten kan ngaihdan leh kan vei zawng te kan thawhchhuah leh sawichhuah ve hi a pawimawh in a tangkai em em a ni a ni tih kan hriat reng a tha awm e.

Inrelbawlina/Governance tha tak nei tur hian a huhova ngaihtuahna kan sen hi tih makmawhah ngai thar leh ang u. Hetiang tur hian Khawtlang Rorelna/ Gram Sabha hi ngai pawimawh i la. Gram Sabha-ah chuan Vote nei thei chin zawng zawng kan tel anga, michhia leh harsa zawkten an ngaihdan leh an vei zawng an sawichhuak anga, chu ’ng chu uluk takin kan chhinchhiah ang. Chuta hmalakna tur lo lang chhuakte chu kan VC Sitting Agenda-ah kan nei anga, a tihhlawhtlin dan tur mumal zawk kan rel fel leh dawn a ni.

Hmalakna tur duan kawngah felfai leh tha zawk kan neih theih nan mithiam leh rawntlak te puihna pawh kan mamawh thei dawn a, kan kawtlanga a ngaihna hria leh mithiam zawk te pawh rawnin kan chhawr tangkai anga, hmasawna tangkai leh mitin huapzo kan nei thei ang.

Kan kawtlang dinhmun mila hmasawna tur ngaihtuah lova State leh Sorkar laipui hmalakna awm ang ang lo saku ser nghah ngawt hian Local Governance a kan tih tur kan tih loh phah nasa thei hle a ni tih i hre thar ang u.

(phek 1-na ami chhunzawmna)

## RD Minister hovin RD Department Review Meeting neih a ni

He hun hi chawhma hun leh chawhnu hunah then niin, chawhma hunah hian Pu V. Lalengmawia, Addl. Secretary, RD Department hnen atangin **Rural Development Department - comparative analysis in the performance of Districts and Blocks on key Parameters; related issues and its redressal** tih thupui hmanga presentation ngaihthlak a ni a. **The Path to Sustainable Rural Development (A Project Specific) - Brainstorming of Ideas** tih thupui hmangin Jt. Secretary, RD Department bakah Deputy Secretary, RD Department hnen atangin **Monitoring - A technical Aspect (MGNREGA & PMAY-G)** tih ngaihthlak a ni bawk.



Chawhnu hunah CEO, MzSRLM hnen atangin **MzSRLM - Success Story on SRLM & DDU-GKY**, Director, RD Department hnen atangin **Overview of PMKSY - WDC 2.0, BADP (Achievement & Way forward)**, BDO, Lawngtlai hnen atangin **Innovative practices under various Rural Development Schemes (A block Perspective)**, Project Director, DRDO Kolasib hnen atangin **Achievement, Issues & Challenges - A District Perspective**, Director, SIRD hnen atangin **State Institute of Rural Development (Achievement & Way forward)** ngaihthlak anih bakah Director, Social Audit Unit (MISSAAT) hnen atangin **Social Audit Brief Report** ngaihthlak a ni bawk a ni.

He hunah hian RD Block hrang hrangte RD Schemes hnuai an hnathawh dan sawihona leh zawhna leh chhanna hun hman nghal a ni bawk.

He thutkhawm hi Pu V. Lalengmawia, Addl. Secretary, RD Department chuan kaihruaiin, Pu R. Laltha-zuala, Director, RD Department chuan lawmthu sawiin he meeting hi a khar a ni.

## LAD Minister-in LAD Officer-te Meeting neihpui

Ni 22.1.2024-khan Pu C. Lalsawivunga, Local Administration Department (LAD) Minister chuan LAD Secretariat leh Directorate-a Officer-te chu SAD Conference Hall-ah meeting a neihpui.



He hunah hian LAD Minister Pu C. Lalsawivunga chuan Department hmalakna tura a hmahlir leh kalphung a duhdan a sawi a. Minister chuan Department hmasawna tura theihtawp chhuaha lungual taka hnathawh a pawimawh thu sawiin, LAD hnuaia thawkte chu thahnemngai taka thawhpui atan a sawm a. Mipui tana theihtawp chhuaha hna thawh a duh thu sawiin, dik tak leh fel taka thil ti a, rinawm taka thawk turin Department Officer-te a chah a. Dan pangngaiyah Ministry chu kum nga dan zela inthlak thin a nih thu leh Officer-te chu nghet zawk an nih dante pawh tarlangin, thawktute chu politics thlichhia inchhem lentir lo turin a chah bawk.

Meeting hi Pi Teresy Vanlalhruii, LAD Secretary chuan a kaihrui a. Pi Rita Lalnunmawii Pachuau, LAD Director chuan PowerPoint Presentation hmangin LAD hnathawh leh mawhpurhna hrang hrang a sawi a. LAD hmalakna pawimawh zual XV Finance Commission Grant, RGSA Scheme leh hmalak zelna tur hrang hrangte sawiho a ni.



Trg. on Drinking Water & Sanitation SBM II @ ETC(T). Course Director: Pu Lalthanmawia Ralte, Principal, ETC, Thingsulthliah.

## MGNREGS Social Audit neih a ni

February ni 5 - 14 chhung khan Mizoram chhung district hrang hrang zinga RD Block 11 huamchhunga khaw 165-ah MGNREGS Social Audit neih a ni.

Social Audit neih tur pual hian ni 30.1.2024 khan District leh Block tin atanga official-te nen Social Audit Entry Meeting neih a ni a, Pi C. Lattleipuii, Director, Social Audit Unit, MISSAAT, Mizoram chuan Entry Meeting hi kaihruiin Social Audit tangkaina te, a thil tum te leh mamawh tur hrang hrang te a hrilhfiah a ni.



He Social Audit neih tur hi Social Audit Expert, District Resource Person leh Block Resource Person 55 bakah Village Resource Person 165 ten an kalpui a ni.

## Awareness Programme nei

Ni 7.2.2024 khan Fire Prevention Week kal zelah LAD leh EF&CC Department tangkawpin VC-te pualin Kangmei laka inven pawimawhzia leh hemi kaihnawiha thil tuldangte sawiin Google Meet kaltlangin awareness programme neih a ni.

He hun hi DLAO Pu Moses Lalfakawma Tlau-in kaihruiin, VC-te chu Vantlang tana thahnemngai taka thawktu an nih angin kangmei ven chungchangah pawh thawhhona tha leh zual zawk neihpui turin a sawm a. Vantlang inkhawm Gram Sabha-te hmang tangkaia kangmei chungchang inzirtir nan hmang tangkai turin a chah a ni.

DFO Pu Lalduhlana chuan VC-te chu kawng engkima hma latheitu an nih avangin sorkarin 'Lo hal hun' a bituk ngai pawimawh tur te, an huamchhunga lo neiten mei lam tha taka sial tur leh a theih chen chena enpui thin turin a chah a. Tlangau-ah pawh a theih anga tam puanzar tir turin a chah bawk.

## Japan zin thu

- Dr. M.S. Dawngliani,  
Associate Professor,  
SIRD&PR, Mizoram

### Thuhma

SIRD&PR leh sorkar lama kan hotute duhsakna changin, Japanah ni 70 chhung training turin ka kal ve hlauh mai a. He training hi JICA sponsor a ni a, kum 2014 daih tawh a ni nain ziah lova thamral tir atan chuan a uiawm deuh a. Sorkar policy sawn dawrh thei lam experience nilovin thil te tham te te, a chhiartu azira mimal nun leh khawtlang tana t̄angkai thei tur kan ziaak zawk dawn a ni.

Visa tihfel te leh a zinna tur documents pawimawh han tihfel mai chu mite tihdan pangngaiin harsatna em em awm loin kan tihfel ve mai a. Kan aia hnam f̄ing leh kalphung ngelnghet lo nei tawh sa zinga chetla tur hian inpuahchah lawk dan hriatthiam a har a. Mahse, simple conversation lehkhahute leh information pawimawh tur zawng zawng min pe lawk a. A hmun han thlen pawh hian bo luih t̄alh pawh tum ila a harsa ang tih ang mai a lo ni a. Tum aia hm̄ain Narita Airport, Tokyo-ah kan t̄um a. JICA counter-ah ka in report a, Taxi-in JICA Centre, Tsukuba lamah min hr̄uai ta a.

Kan han zir ber hi Japan Agricultural Cooperatives, JA Group ti a an sawi bawh chungchang a ni a. Mahse kan training hnu lamah hian policy tihdanglam te a awm nual avangin cooperative society approach hi t̄ha hle mahse kan sawi zau lo mai ang.

### Mimal Inzahtawna

Kan thlen tirha min zirtir hmasak ber chu 'chibai' tih leh 'ka lawm e' tih a ni. Taxi kan chuang dawn emaw thil kan lei dawn emaw pawhin hlim hmel pu takin chibai buk hmasaka, kan tih tur tih zawh hunah lawmthu sawi ngei ngei tur a ni. Hei hian midang service-te ngaihhlut thiamna a entir a, inremna a thlen ve tlat mai a ni. An eizawna an ngai pawimawh thiam hle a. An sawi dan chuan train chak chi, Shinkansen train, bullet train an tih bawka thawktute chuan zingah hna an t̄an hm̄ain chibai bukin lawmthu an sawi phawt a, train chhungah an lut chauh t̄hin an ti. English lam alar lo hle a, mahse, entawn tur t̄ha tak chu t̄awng thiam lo chung pawhin hlim hmel pu takin zaizir talin kan mamawhnaa min puih hram an tum t̄hin a ni.

Kan ram lama mi nawlpuiin kan chin loh tak mai, lift leh escalator chuan thuah te hian mite

ngaichang chungah khawsak hi a lo mawi hle a. Escalator-ah pawh veilamah an ding thap a, kal chak duh an awm chuan awl takin hmalama mite an kal pel mai a. Lift kawngka zawn taka lut tur lo din khah tlat te hian a lo chhuak tur tan harsatna a siam a, a sir lama anlo in line fel thlap t̄hin a, awmdan mawi tak a ni. Metro station-ah te pawh lut tur zawng tlar thumin a sir pahnih leh a laiah an lo ding lawk a, a chhuak turte kha line hnihin an lo chhuak mai a, a fel leh thlap mai a, innak buai a awm lo a ni. Thil lei dawn leh a man pek dawn pawhin khat deuhin an in line fel thlap a, mahni hma ami te kal pelh emaw an tum lo. Heng hi awmdan mawi tak Mizoten ching ve thei ila duhawm tak a ni.

Bawhlawh senghawi thuah hian dan bakah mimal taimaknain awmzia thui tak a nei a. Kan zin chhuah emaw kan lenchhuah pawhin kan thil eina bawhlawhte chu bag a ak mai turin min hr̄ilh t̄hin a. Thui deuh zin dawn phei chuan kan bawhlawh dahna turin polythene bag min sem a. Kan chawlhna hmuna dustbin-ah kan paih mai t̄hin a ni. Mizoram lamah Sumo leh car at̄angin kan thil eina nawi kan paih chhuak mai t̄hinte hi a zia lo t̄hin hle mai a, mi tihdan t̄ha hi entawn nise kan fai phah leh zual ngei ang. An hun vawn dan hi ngaih-sanawm tak an ni a, hun an vawng dik mai nilovin an hma hle, an chin t̄han dan a ni a, chhuan pawh an chhuang hle a ni. In t̄lai hian in hun in paih bakah midang hun in paihsak avangin t̄lai loh tur a ni tih zirtirna kan dawng ngun hle bawka, kan ram lamah pawh hei hi inzirna tur kan neih pawimawh tak a ni bawka a ni.

### Small things matter

A tlangpuih an in a lian lova, mahse, a mawiin hmuh anuam a, *(phek leh lamah zawmna)*

*(phek lehlam ami chhonzawmna)*

## Japan zin thu

a dak deuh zaih vek mai a ni. Huan te tak te tal an nei thin a, hei hian a tih mawi bakah chuktuah huan tangkai tak an siam thei bawka ni. Tlangrama hman theih tur excavator te chi (JCB te chi) te pawh an siam mai a. Kan awmna ram mil ang zela hmanrua ngaihtuah hi thil tangkai tak mai a ni a. An thlai chinna hmunah tui pekna tur pipeline network a tha hle bawka, hei hian agriculture lama hmalak a ti nuamin a awlsam phah hle bawka ni. Hostel leh hotel vela an bathroom hman te a lian lova, mahse a awm tur a awm kim vek mai thung a. Room zimte awmna hmunah dustbin te chi te chu bang kil milin kil thum nei chi an hmang leh mai bawka. A hmun a zira thil tangkai ngaihtuah chhuah kawngah hian kan tluk lo hlein ka hria.

An training centre an enkawl dan te a fel hle a. Kan training-na hmun hi building lian tak a ni lova, mahse, a tul tur ang chu a awm kim vek ti ila kan sawi sual lo ang. Bungraw chuang hmuh tur a awm lova, hetiang kumtluana batch hrang hrang training nei reng tur chuan management a fel hle a ngai a. A te ber thlenga ngaihtuah a ngai a ni. Tlang takin tih tur leh tih loh tur min hrilh mai a. Electric switch emaw thildang hmeh loh tur chu 'don't push/don't open' tiin an tar mai a, tih luih ngam a ni tlat lo. Kan tlawh tur office reng rengin an chanchin ziahna brochure mawi tak an nei deuh vek a ni. Hei hian a lan tir chu keini aiin a nawlpuiin english an thiam lo zawk nain an inpuangzar thiam zawk hle tih a ti lang a. Business rilru pu kher lo pawhin min tlawhtute tana chhiar tur mahni thawhna chanchin tawi lo neih hi thil tha tak a ni ang.

### Mipui tana remchang

Ram changkangah hian rualban lo, upa leh hmeichhiate an duhsak deuh zel a tih theih anga. Changkannain a ken tel te pawh a ni a. Vantlang inthiarnate pawh hmeichhia leh mipa tan a hrangin a awm deuh zel a. Block khatah sawm chuangte a intlar a. Chung zingah chuan wheelchair hmang tana hman tur te, nausen pawm ten naute diaper an thlakna tur chi te an siam leh thin a. Hmeichhe block atanga mipa che vel kha a hmuh theih loh hrim hrim a, a zahawmin a zalen bik riau. Hei hian gender budgeting te pawh a hawl tel thuak thuak kan ti thei ang a. Sorkar building-te kan design hian wash

room tha tak te hi room pangngai ang tho a pawimawh a ni tih hi hriat thar leh a pawimawh khawp mai. An super market-te mawlh mai hi a faiin a thianghlim em em mai a, inthiarna fai leh tam tawka a awm zel thin a ni. Thil man chu a to deuh mai thei a, mahse kan tum chuan heng hi kan ti ve thei ngeiin a rinawm tlat a a ni.

### Ruahmanna siam chungchang

Kan training-naah hian action plan siam dan min zirtir a. Heta kan zir tha tak mai chu harsatna thliar fel (identification of problems), mamawh tur (resources) chhutchhuah, chumi hmanga plan siam chungchang a ni ber a. Heiang hian plan siam dawn-in ngaihtuahna sen tur a ni: 1. Thil awmsa hman tangkai- system thlak hleka a awmsa tangkai zawka hman dan tur duanchhuah; 2. Sum leh hmanrua (resources) tlem han belha tihhlawhtlin theih leh 3. Thil lian, Sorkar policy thlak ngai, long term plan ang chi te a ni. Heng bakah hian short term, medium leh long term plan ang te pawhin a duan theih bawka a. Tun dinhmuna hian thil kan plan-in tangkaina nei rei lo tur emaw, hman ngaihna awm lo hial khawpa lian emaw, a enkawl chhonzawmna turte ngaihtuah tel a tha a. Tha zawka thawh kan tum vanga thawktu lak belh atanga tan angai nia hriat tlatte hi thil awm thei a ni. Mumal taka assessment siam hnuah chuan chutiang chu a lo ngai lo fo thin a. Hetiang chik zawka ngaihtuahna sen hi mimal nunah pawh thil tangkai tak a ni bawka ni.

### Mission Amrit Sarovar

Opens a new gateway of livelihood opportunities for User Groups






○ TARGET - 825

○ ACHIEVED - 1000

with 205.1 million m<sup>3</sup> of Average Water Holding capacity

Rural Development Department  
Government of Mizoram

**Ni 22.1.2024 - 16.2.2024 chhunga Training neihte**



Refresher Trg. Course on MGNREGS Functionaries @ West Phaileng. Course Director: Dr. Khuangthansanga Pakhuangte, Associate Professor, SIRD&PR.



Trg. on Post Harvest Management, Value addition & Healthy Cooking for SHG members @ Centre of Excellence, Thingdawl. Course Director: ZR Thafala, Principal, ETC, Kolasib.



Online Trg. on GDP and PDI for Aizawl District. Course Director: Pu H. Rosangpuia, Faculty, SPRC, SIRD&PR.



Trg. on Scientific Management of Backyard Poultry for Nausel Poultry Farmers @ CAU, Selesih. Course Director: Er. C. Lalhlansanga, Core Faculty, SIRD&PR.



Career Awareness for HSSLC student of St. Pauls HSS @ St. Pauls HSS. Course Director: Pu Lalchandama Lailung, Core Faculty, SIRD&PR.



Trg. on Management of SHGs @ Chawntlangpui village. Course Director: Pu Malsawmtluanga Fanai, Principal, ETC, Pukpui, Lunglei.



Trg. on Life Skills for Students and Teachers @ SIRD&PR. Course Director: Dr. Khawlsiamthanga Khawhring, Associate Professor, SIRD&PR.



Trg. on Community Hygiene & Safe Drinking Water @ Sesawng VC -III. Course Director: Pi V. Lahmangaihi, Faculty, ETC, Thingsulthliah.



Trg. on Scientific Management of Diary Animals for better productivity and economic improvement for Serkhan Village @ Serkhan Community Hall. Course Director: Dr. Lalhruaitluangi Sailo, Senior Core Faculty (AH) SIRD&PR.

## RGSA Sensitization Meeting neih a ni

Kolasib DC Conference Hall-ah ni 18.1.2024 khan Koalsib District DC Pu John LT Sanga hovin Rashtriya Gram Swaraj Abhiyan (RGSA) chungchang inhrilhhriatna hun hman a ni. DLAO Pu ST Lalhmingmawia chuan RGSA hnuai Kolasib District chungang hmalakna report a pe a. ETC, Kolasib-a Faculty Pi T. Lalchhanhimi'n "**Over-view of RGSA**" tih thupui hmanga powerpoint presentation a pe a ni.



Ni 30.1.2024 khan DC Conference Hall, Lunglei-ah RGSA chungchangah meeting neih a ni baw. Meeting hi Pu Donny Lalruatsanga, Addl.DC chuan kaihhruiin. Beitlotha Nohro, DLAO chuan RGSA hnuai hmalaknate report a pe a ni.



LAD buatsaihin RGSA chungchang inzirtirna hun ni 30.1.2024 khan DC Conference Hall, Keifangtlang, Champhaiah neih a ni. He hunah hian DC Pu James Lalrinchhana chu khuallian niin, DLAO Pu Moses Lalfakawma Tlau chuan inkhawm a kaihhrui a. District Programme Manager Pi H. Lalenkawli'n RGSA chungchang sawifiahin power point presentation a pe a ni.



Ni 31.1.2024 khan Hnahthial DC Meeting Room, Rallangtlang, Hnahthial-ah RGSA chungchang inhrilhhriatna hun buatsaih a ni a, he hun hi Pu Chuahnuna, DC chuan kaihhruiin, Pu Beitlotha Nohro, DLAO chuan RGSA nihphung leh

hmalakna hrang hrang report a pe baw.



Ni 2.2.2024 khan Saitual DC Conference Room-ah RGSA sensitization meeting Chairman Dr. Lalngura Tlau, Saitual DC kaihhruiina hnuai neih a ni baw a. Pi Dorothy Muansangi, DLAO, Saitual chuan RGSA chungchang leh an hmalakna hrang hrang te sawina hun a hmang a, Pi Brenda Laldampuii, District Programme Manager, Saitual chuan RGSA lo chhuah dan leh a chanchin tlangpui PowerPoint presentation a pe baw a ni.



RGSA chu tualchung sawrkar thum chak na tura hmalakna niin, Ministry of Panchayati Raj hnuai Sorkar Laipui Scheme a ni a, hmasawna ngelnghet leh tlo zawk a awm theih nana tualchung sawrkar tihchak leh tihhmasawna tura ruahman a ni a. VC hnathawk thate tan lawmmante pawh siam thin a ni baw.

Kum 2023 December thlang khan RGSA kaltlangin Mizoram pumah Panchayat Bhawan (VC House) thar 150 sak niin, 93 chei that a ni a. Common Service Centre (CSC) 15 din niin, VC hrang hrang hnenah computer set 243 sem a ni baw. RGSA hnuai Economic Development & Income Enhancement Project kal tlangin hna lian tak pathum - Arecanut Leaf Plate Production Centre, Bilkhawthlir (cheng nuai 49 project); Rural Homestay & Agro-Tourism Project, Tuipui D (cheng nuai 84 project) leh Handloom Design Training cum Production Centre, Thenzawl (cheng nuai 141.23 project) te thawh zawh tawh a ni a. Hnahthial, Khawzawl leh Saitual-ah te District Panchayat Resource Centre (DPRC) sak hna kalpui mek a ni baw.

## Three-Week Certificate Programme on Risk Based Internal Audit of Rural Development Programmes kharna neih a ni

Ministry of Rural Development (MoRD), Govt. of India; Centre for Internal Audit in Rural Development (CIARD), NIRDPR, Hyderabad leh SIRD&PR, Mizoram buatsaih kar 3 (thum) chhung aw h "Three-Week Certificate Programme on Risk Based Internal Audit of Rural Development Programmes" training SIRD&PR, Mizoram Auditorium, Durtlang Leitana neih chu ni 6.2.2024 tlai khan a kharna neih a ni a, Pu Neeraj Kumar Sharma, ICAS, Controller of Accounts, MoRD, Govt. of India chuan Khuallian niin he training kharna hi a hmanpui.



Mr. Neeraj Kumar Sharma

Training kharna-ah hian Pu Neeraj Kumar Sharma chuan thu sawiin, Ministry of Rural Development (MoRD), NIRDPR leh SIRD, Mizoramte thawhhona tha tak avanga training pawimawh tak mai tuang taka zawh a ni chu lawmawm a tih thu sawiin, training zo tate chu RD Scheme hrang hrang chungchanga thawktute leh mipuite rilru kal dik lo leh fellote siamthatu tur an nih thu sawiin, RD Scheme-te hlawk zawk leh tangkai zawka kalpui a nih theih nan he Training-a tel zawng zawngte in pawimawh hle dawn a ni, a ti a. Tuang tak leh tha taka kar 3 (thum) chhung zet mahni in leh lo chhuahsana training an neih avanga lawmthu sawiin, training chhuakte chu an thil zirte dik tak leh tangkai taka hmanpui turin a fuih bawka ni.

Training kharna inkhawmah hian Dr. U Hemantha



Dr. U Hemantha Kumar

Kumar, Associate Professor & Head, CIARD, NIRDPR, Hyderabad pawhin thusawiin, langtlang leh dik taka hmasawna hna thawh a nih theih nan CIARD, NIRDPR chuan hma a la a, chumi atana pawimawh tak pakhat chu Risk Based Internal Audit hi a nih thu a sawi a ni.

Pi Ethel Rothangpui, Director, SIRD & PR, Mizoram chuan lawmthu sawiin training kharna inkhawm hi tihtawp a ni.



Ms. Ethel Rothangpui

He Training-a telte hi Group 6-ah inthenin, karkhat chhung hmun hrang hrangah Field visit nein, Audit an nei a, an hmuhchhuahte presentation an nei leh vek bawka ni. Field Visit an neihna ah hian NIRDPR atanga Consultant lo kal mi 11 ten an ho bawka ni.

*Published by Ethel Rothangpui on behalf of State Institute of Rural Development & Panchayati Raj, Mizoram, Durtlang Leitana, PIN 796015.*

*Phone : (0389) - 2362551; e-mail: [dirdsirdmz@gmail.com](mailto:dirdsirdmz@gmail.com); Website: [sirdpr.mizoram.gov.in](http://sirdpr.mizoram.gov.in).  
[facebook.com/SIRDPRMizoram](https://facebook.com/SIRDPRMizoram); [instagram.com/sirdpr\\_mizoram](https://instagram.com/sirdpr_mizoram); [youtube.com/user/dirdsirdmz](https://youtube.com/user/dirdsirdmz).*

*Funded under RGSA through Local Administration Department (LAD), Govt. of Mizoram.*

*Printed at Ebenezer Offset, Luangmual, Aizawl.*

*4,000 copies*